


Noticia & Informacion




Na China tin cambio grandi!

E aña aki ta aña di cacho na China. Esey ta un sorto di signo, mescos cu nos tin libra y aries. Tradicionalmente nan ta come cu un pida carni... di cacho. PERO... e aña aki tin menos cacho cu ta wordo sirbi riba tayo!

Dicon? E Chinesnan awendia tin cachonan mas tanto pa mascota, mescos cu nos tin nan aki. Tin te hasta varios salon special pa cacho. Chinesnan ta haya pica pa come un cacho awo.

Organisacionnan cu kier proteha bestia ta hopi contento cu esaki. Y ta spera cu mas hende na China lo sigui cu e trend aki.

Ta kiko ta canando riba mesa?



Riba mesa den cushina un famia na Inglatera (Engeland) a mira un scorpion canando! E famia a spanta, pasobra e bestia aki ta venenoso! Un prik di su rabo, y bo no ta sinti nada bon.

E mama di e famia a kere cu e bestia tabata morto, te ora cu el a lanta su rabo. El a dal un grito y e tata di famia a bai su tras y logra captura e animalito.

No ta algo comun pa mira un scorpion na Inglatera y otro paisnan na Europa. Porta el a yega eyan den frutanan cu por a bini di e regionnan mas calor. Y kisas e famia a bai supermercado y compra e fruta cu tabata tin net e scorpion aden.

E scorpion ta bibo ainda, warda na un organisacion cu ta proteha bestianan.

E dori



Awor cu temporada di jobida a cuminza nos por bai mira e dori cu mas frecuencia. Si bo ta biba banda di un rooi of tanki, bo ta haya e dori hopi biaha den bo cura. E ta bin busca cuminda. Durante lunanan di segura e dori ta sconde como 5 meter bao tera.

Imaginabo cu antes e hendenan tabata tin un cierto adoracion pa e dori segun hallazgonan a prueba. Nan tabata mira e dori como un salvacion pa e hamber y pobreza cu nan a pasa den pa motibo di segura largo. Pa nan e dori tabata anuncia: Awacero! Alivio!

Asina cu rooinan y damnan cuminza jena nan ta sali na cantidad y cuminza canta. Un canto masha 'eentonig' cu di leo bo por tende. Hasta palabra nos antecedentenan a traha pa e cantro aki: "Dori maku, dia mi muri, ken ta dera mi, ami ami mes!" Loke kier meen: Dori ta papia, dia mi muri ken lo derami ami ami mes!

Originalmente Aruba so tabata tin dori. E ta chikito color berde-bruin, na su patanan patras e tin manchanan corá. Rond di 1910 el a jega Curacao y despues Bonaire, den santo cu a wordo importá pa construccion. Pero rond di 1970 un sapo, cu ta hopi mas grandi cu nos dori y color bruin, a bini den santo di Surnam.


E dori ta come insectonan manera: kakalaka, vruminga, muskita, etc. Di leo e ta capta e insecto y den un frega di wowo e ta lora su lenga largo saca'fo

pa gara e insecto. Su lenga tin un substancia manera un lijm y e insecto ta dal pega na dje y e ta lore bek paden.



Chabalito

Number 3 - Año X



3,00

BIBLIOTECA NACIONAL ARUBA



3 0993 00018 592 6

ich 11/07